



Broj: 17-14-14866-34  
Sarajevo, 6 -08- 2018 godine

Na osnovu člana 69. stav (2) tačka d) i člana 70. stav (1) (4) i (6) Zakona o javnim nabavkama („Službeni glasnik BiH“ broj: 39/14), a u skladu sa članom 6. Uredbe o osnivanju Stručne službe za zajedničke poslove Kantona Sarajevo („Sl. novine Kantona Sarajevo“ broj 5/06 – Prečišćeni tekst) i preporuke Komisije za ustupanje usluga u postupku javne nabavke za "Ustupanje usluga dezinfekcije, dezinsekcije i deratizacije objekata Kantona Sarajevo" **LOT 2 – Usluge deratizacije** (Zapisnik o pregledu i ocjeni ponuda broj: 17-14-14866-32 od 02.08.2018. godine), načelnik Stručne službe za zajedničke poslove Kantona Sarajevo, d o n o s i:

## ODLUKU o poništenju postupka javne nabavke

### Član 1.

Poništava se **LOT 2 – Usluge deratizacije** u postupku javne nabavke za "Ustupanje usluga dezinfekcije, dezinsekcije i deratizacije objekata Kantona Sarajevo", objavljen na portalu javnih nabavki pod brojem 1230-7-2-59-3-43/18 od 17.07.2018. godine, iz razloga što nije dostavljena nijedna prihvatljiva ponuda.

### Član 2.

Ova odluka objavit će se na web stranici ugovornog organa, [www:http: sszp.ks.gov.ba](http://www.sszp.ks.gov.ba) u skladu sa članom 70. stav (6) Zakona o javnim nabavkama.

### Član 3.

Ova odluka stupa na snagu danom donošenja.

### Obrazloženje

U postupku javne nabavke broj: 1230-7-2-59-3-43/18 od 17.07.2018. godine, a koji se odnosi na "Ustupanje usluga dezinfekcije, dezinsekcije i deratizacije objekata Kantona Sarajevo" za LOT 2 – Usluge deratizacije, putem konkurentskog zahtjeva za dostavu ponuda, dostavljene su ponude ponuđača "IDS – ZDRAVA SREDINA" d.o.o. i "SANACIJA 3D" d.o.o. Tokom evaluacije ponude Komisija za ustupanje usluga je kroz zapisnik o pregledu i ocjeni ponuda konstatovala da su ponude navedenih ponuđača neprihvatljive i dala preporuku za poništenje postupka za LOT 2 – Usluge deratizacije. Naime, Ponuđač "SANACIJA 3D" d.o.o. u svojoj ponudi za LOT 2 nije dostavio aktuelni izvod iz sudskog registra ili **izjavu/potvrdu nadležnog organa** da je ponuđač registrovan za obavljanje tražene djelatnosti sa više od 50% zaposlenih lica sa invaliditetom u odnosu na ukupan broj zaposlenih, a kako je traženo stavkom 2. Sposobnost obavljanja



profesionalne djelatnosti – u smislu člana 46. Zakona: «*Uslovi: Da bi učestvovao u konkurentskom postupku javne nabavke, ponuđač mora zadovoljavati sljedeći uslov sposobnosti obavljanja profesionalne djelatnosti i to: 1) da je registrovan za obavljanje djelatnosti koja je predmet ove nabavke odnosno, sa dokazom da zapošljava u odnosu na ukupan broj zaposlenih, više od 50% lica s invaliditetom, koji ne mogu obavljati poslove u normalnim uslovima. Dokazi: Ponuđač je dužan dostaviti sljedeće dokaze: Za ponuđače iz BIH: a) Ponuđači su u svrhu dokaza o ispunjavanju uslova iz člana 46. Zakona dužni dostaviti Aktuelni izvod iz sudskog registra ili izjavu/potvrdu nadležnog organa iz koje se vidi da je ponuđač registrovan za obavljanje djelatnosti koja je predmet ove nabavke.*» Str. 6 TD. Ponuđač "SANACIJA 3D" d.o.o. u svojoj ponudi za LOT 2 nije dostavio **potpisan nacrt okvirnog sporazuma**, a kako je traženo u tenderskoj dokumentaciji u stavci 1) Sadržaj ponude i način izrade ponude: «*1) potpisan nacrt okvirnog sporazuma (Prilog br. 10)*» Str.11 TD. Ponuđač "IDS-ZDRAVA SREDINA" d.o.o. u svojoj ponudi za LOT 2 nije dostavio **OBRAZAC ZA PONUDU (Prilog 1.)**, a kako je traženo u tenderskoj dokumentaciji u stavci 1) Sadržaj ponude i način izrade ponude: «*b) popunjeni obrazac za ponudu/obrazac za dostavljanje ponude (Prilog br. 1)*» Str.10 TD. U postupku je utvrđeno da je Komisija za ustupanje usluga u svemu pravilno postupila, te da je preporuka o poništenju postupka data u skladu sa Zakonom, podzakonskim aktima i tenderskom dokumentacijom. Imajući u vidu naprijed navedene činjenice, predloženo poništenje postupaka javne nabavke u dijelu LOT 2 – Usluge deratizacije je i prihvaćeno.

Na osnovu prezentiranih činjenica, a u skladu sa odredbom člana 69. stav (2) tačka d) Zakona o javnim nabavkama, donesena je Odluka kao u dispozitivu.

**Pouka o pravnom lijeku:** Svaki ponuđač koji ima legitimni interes u predmetnom postupku javne nabavke, a koji smatra da je ugovorni organ u toku postupka prekršio jednu ili više odredaba Zakona o javnim nabavkama ima pravo priložiti žalbu u pisanoj formi u roku od **5 (pet) dana** od dana prijema ove odluke u skladu sa članom 99. i 101. Zakona o javnim nabavkama ("Službeni glasnik Bosne i Hercegovine", broj 39/14).

Žalba se podnosi Ugovornom organu (Stručnoj službi za zajedničke poslove Kantona Sarajevo) neposredno ili preporučeno putem pošte na adresu: Reisa Džemaludina Čauševića br. 1, kao prvostepenom organu u žalbenom postupku.

Ponuđač, u slučaju da ulaže pismenu žalbu, dužan je za pokretanje žalbenog postupka platiti naknadu u iznosu 500,00 KM, u skladu sa članom 108. stav 1. tačka a) Zakona o javnim nabavkama.

Naknada se uplaćuje u korist budžeta institucija BiH i međunarodnih obaveza BiH i ona je neopovratna u slučaju neosnovane žalbe.

Pripremio: Almir Mešić, dipl.iur.

Prilog:

1. - Zapisnik o pregledu i ocjeni ponuda broj: 17-14-14866-32 od 02.08.2018.godine

Dostaviti:

1. Svim učesnicima u postupku,
2. Arhivi.



web: <http://vlada.ks.gov.ba>  
e-mail: [sszp@sszp.ks.gov.ba](mailto:sszp@sszp.ks.gov.ba)  
Tel: + 387 (0) 33 562-094, Fax: + 387 (0) 33 562-220  
Sarajevo, Reisa Džemaludina Čauševića 1

